

古別離

夏目漱石

上樓湘水綠，捲簾明月來。雙袖薺薇香，千金琥珀杯。
窈窕鴟紫，徒倚暗淚催。二八纔畫眉，早識別離哀。
再會期何日，臨江思邈哉。徒道不相忘，君心曷得回。
迢々從此去，前路白雲堆。撫君金錯刀，憐君奪錦才。
不贈貂襜褕，却報英瓊瑰。春風吹翠鬟，悵惘下高臺。
欲遣君子佩，蘭渚起徘徊。

長尾雨山曰：情思纏綿，語言藻薺，頗復古調，結語遺君子，佩歸旨敦厚，極得風人之意。

雜興

仰瞻日月懸，俯瞰河岳連。曠哉天地際，浩氣塞大千。
往來暫逍遙，出處唯隨緣。稱師愧佔畢，拜官足縉錢。
澹蕩愛遲日，沉漫送流年。古意寄白雲，永懷撫朱絃。
興盡何所欲，曲肱空堂眠。蔚聲撼屋梁，炊梁颶黃烟。
被髮駕神騰，寥寥沉崑崙。嶺長嘯抱珠，去飲蛟龍淵。
寤寐終歸一，盈歇自後先。胡僧說頓漸，老子談太玄。
物命有常理，紫府孰求仙。眇然無倚托，俛仰地與天。
長尾雨山曰：耽躰卓犖，應復逍遙獨徵。發幽理於物表，遊玄思於形外。被髮長嘯，數語有神駿尤容，銜勒之慨。放聲徹吟，超然神遠矣。

題畫

落合東郭

天風吹作海濤聲。鶴背高寒夢不成。萬壑群山松樹老。蒼茫一夜月明生。

森槐南曰：七字蒼茫，無限景象，皆在箇中也。

夜歸偶得

流水聲中夜氣澄。梅花兩岸冷香凝。獨歸緩緩身如鶴。過石橋時明月昇。

長尾雨山曰：冷香凝而月氣將白。前半二句可以移評此詩情絕。

人日雨山招飲用高適詩韵賦之

開歲七日笑上堂。壁間畫出水石鄉。平生觀瀑空有約。蠟屐幾時度羊腸。主人雅懷誰干預。
焚香掃地消百慮。晚晴倚櫈青山多。眼見雲煙縹渺處。愛移清景是新春。門柳猶未拋麴塵。
風爐活火試茶好。西溪寒泉還可人。

雨山煮茶多用西

溪長命水故及

遊城山詣西鄉南洲墓有作

鐵

華

峻宇傑閣倚嶺巒。

海門山色蒼茫橫。

我是江湖漫游客。

吊來南洲暗淚生。

可憐維新元勳士。

天公不許死錦水。

高蹈好賦歸去來。

餘生欲老田園裏。

仗劍蹶起勢何雄。

其奈運盡百計窮。

長鯨覆波三山沒。

廟堂不憐此心衷。

君不見鹿城萬家男子少。

碑前垂淚孤寡吊。

城山山畔恨何深。

唯聞松籟響夕照。